

Aoun hated Gebran Tweini

من صفحة السيد أنطوان نادر أو ناضر

اللي بيعرف #ميشال_عون بمنفاه بيعرف كثير منيح حساسيتو تجاه "جبران التويني" كان عون يضيق خلقه (مثل العادة) من هتافات شباب التيار لجبران بالجامعات، وكان يطلب من جماعته يخففوا من حماسهم. سنة ٢٠٠٥ كان كل همّه هو وجماعته بباريس يضربوا الحالة الشبابية والشعبية اللي قادها جبران. حاول يبعده عن الحركة الاستقلالية وعن المكونات الثلاثة الكبيرة: قرنة شهوان، الحريري، وجنبلاط. ولما فشل، لجأ للابتزاز الإعلامي وهدّد بترشيح أبو جمر بالأشرفية ضد جبران.

للتاريخ كان جبران تويني عطول بصف عون لا بل أسس حركة سياسية هدفها خلق جيل التحرير اللي بآمن بالحرية والسيادة والاستقلال حتى وصل لدرجة إنه عمل مظاهرة على السفارة الأميركية بعوكر، ليستنكر موقف الإدارة الأميركية وقتها من سياسة عون.

شو كان موقف عون بس استشهد جبران؟ "جبران حالة موسمية"! هيدا الجنرال "الانتهازي" وين في مصلحة بيمشي... عمل الإبراء المستحيل وتحالف مع الحريري حارب القوات وعمل اتفاق مع راب وحاليًا وريثو كسر تحالف مار مخايل!

بذكرى استشهاد #جبران_التويني وعلى وقع سقوط نظام المجرم بشار الأسد يخيل للتيار ومناصري أنو ح ننسى إنو تحالف مع المجرم شريك النظام المجرم اللي اغتال جبران التويني وأنو حليفو "حزب المنتصرين دايماً" وزع البقلاوة عن روح الشهيد في الضاحية!

بكل وقاحة يتذكر التيار جبران التويني اليوم! اللي تبين إنو الموسمي هبي تحالفات التيار كيف لا ومؤسس التيار بمنفاه كان ضد سوريا وضد المليشيات وبعودتو للوطن صار مع سوريا والمليشيات! صح المثل اللي بيقول اللي استحو ماتو!